

Válastinen pa kas jejkhávrresa vorbisa. No majinti ginen opre dúj trín vorbi pár les/la.

I Patrin

I Patrin si románi šej. Si andaj Bougešti. Si la jejkx maj terni pheň taj jejkx maj terno phral. Vouj si maj phúri. Kamenas vi la te len bourake. Má si biš taj jejkxengi. No vou či kamlas. Kamelas te avel ávri siťárdi. Kerdas i maturita taj akánik line la te siťol pi visoká. Kado berš siťola i kulturňívo antropologija andi Olomúca. Nad'on god'aver-i. Sar sako románi šej vi vou žanel te kiravel, no feri či xal mas. Kamel te ginel e keňvi taj te šunel e d'íja. Bešel peske níposa andi Karvíňa. Nad'on but kamel peske nípos.

O Mamuko

Si Rom pa Touco andaj Ňitra. Si les jejkx phral taj jejkx pheň. Bušon o Maco taj i Sidi. O Mamuko romňadino-j. Si les vi šavoura. Rodel e báre louve. Žanel nad'on šukáres te d'ílabel. Sa e Rom meren anda leske d'íja. Azír vi kharaven les pej páťiva vaj pej bijava taj pej keretšígura. Uňivar den les pa kodo pánžvardeš eura vaj uňivar den les vi dúj šela eura. Vi lesko phral taj leski pheň žanen te d'ílabel. Si le vi studijo, ká tejle xutile-j taj keren e d'íja. Ánde-j pinžárde andej Rom vi khate ando Čexo vi ando Ungro no vi ando Švejdo. Vi khate má d'ilabande e Romenge.

O Grofo

Si Rom andaj Birna. Lesko nípo sármozij andaj Hinora. Azír phenen lenge Hinorake. Ávri phírdas o gimnázijum taj kerdas kadej vi i maturita. Romňadino-j, si les jejkx šávo. Leski romňi rakli-j. Vi vou rodel báre louve. Si les nad'on but bolti. Biknel e mourčune kirpi taj vi e mourčune táški. Sa e Rom žanen pár les. No ad'ejs bešel andi Kromeríža.